

**RESOLUCIÓN SOBRE A CONCESIÓN DE PRÓRROGA A TODOS OS EXPEDIENTES  
SELECCIONADOS CORRESPONDENTES Á CONVOCATORIA DE COOPERACIÓN LEADER  
(SUBMEDIDA 19.3 DO PDR DE GALICIA 2014-2020) CORRESPONDENTE ÁS  
ANUALIDADES 2018 E 2019**

**I.- Antecedentes**

Mediante o Acordo do Consello de Dirección da Agader do 30 de xullo de 2018 aprobáronse as bases reguladoras das axudas para a preparación e realización de proxectos de cooperación entre grupos de desenvolvemento rural, ao abeiro da medida Leader (submedida 19.3), cofinanciadas co Fondo Europeo Agrícola de Desenvolvemento Rural no marco do Programa de desenvolvemento rural (PDR) de Galicia 2014-2020 (DOG nº 153, do 10 de agosto de 2018) e, mediante a Resolución do 24 de setembro de 2018 do director xeral da Agader, convocáronse, subvencións para a execución de proxectos ao abeiro da submedida 19.3 (cooperación no ámbito de Leader), da medida Leader do PDR de Galicia 2014-2020, para as anualidades 2018 e 2019, cofinanciadas co Fondo Europeo Agrícola de Desenvolvemento Rural (DOG nº 193, do 9 de outubro de 2018).

Mediante Resolución do 31 de maio de 2021 (DOG nº 107, do 8 de febreiro de 2021), amplíase a dotación orzamentaria da Resolución do 24 de setembro de 2018 pola que se convocan subvencións para a execución de proxectos ao abeiro da submedida 19.3 (cooperación no ámbito de Leader), da medida Leader do Programa de desenvolvemento rural de Galicia 2014-2020, para as anualidades 2018 e 2019, na que se prevé a execución da convocatoria con cargo ás anualidades 2021 e 2022.

A raíz do disposto nos parágrafos anteriores, para o financiamento desta convocatoria, para o ano 2021 está consignado un crédito de 247.814,00 €. Para o ano 2022 está consignado un crédito doutros 247.814,00 €.



O 18/06/2021 a directora xeral da Agader emite unha resolución pola que se resolve a convocatoria. Os proxectos seleccionados, ordenados de maior a menor puntuación foron os seguintes:

<b>GDR COORDINADOR</b>	<b>PROXECTO</b>	<b>PUNTOS</b>
<b>(1) Mariñas Betanzos</b>	<b>Alimentos da Biosfera</b>	<b>65</b>
<b>Galicia Suroeste Eu Rural</b>	<b>Eurochef</b>	<b>65</b>
<b>Deloa</b>	<b>Xestión da sostenibilidade nos espectáculos ao vivo</b>	<b>65</b>
<b>(2) A Limia-Arnoia</b>	<b>Son de Monte</b>	<b>60</b>
<b>Ribeira Sacra Courel</b>	<b>Museos vivos</b>	<b>60</b>
<b>Seitura</b>	<b>Incorporando ilusións</b>	<b>52</b>
<b>Pontevedra Morrazo</b>	<b>Dinamización e promoción IXP Viños de Galicia</b>	<b>30</b>

Coa mesma data de 18/06/2021, a directora xeral emite unha resolución de concesión por cada un dos proxectos sinalados no parágrafo anterior, na que se identifican os GDRs participantes en cada proxecto e se establece un prazo para a execución e xustificación do orzamento para os gastos correspondentes á anualidade 2021 do 15 de outubro de 2021.

Ao longo dos meses de setembro e de outubro deste ano 2022, tiveron entrada no rexistro xeral da Agader solicitudes, por parte dalgúns dos GDRs coordinadores dos proxectos citados no cadro anterior, para a ampliación do prazo de execución e para a presentación da documentación xustificativa correspondente aos gastos da anualidade 2022 que exceden do límite máximo (15 de outubro de 2022) establecido nas resolucións de concesión de axuda.

## **II.- Fundamentos legais e técnicos**

-Acordo do Consello de Dirección da Agader do 30 de xullo de 2018 polo que se aproban as bases reguladoras das axudas para a preparación e realización de proxectos de cooperación entre grupos de desenvolvemento rural, ao abeiro da medida Leader (submedida 19.3), cofinanciadas co Fondo Europeo Agrícola de Desenvolvemento Rural



no marco do Programa de desenvolvemento rural (PDR) de Galicia 2014-2020 (DOG nº 153, do 10 de agosto de 2018).

- Resolución do 24 de setembro de 2018 do director xeral da Agader, pola que se convocan subvencións para a execución de proxectos ao abeiro da submedida 19.3 (cooperación no ámbito de Leader), da medida Leader do PDR de Galicia 2014-2020, para as anualidades 2018 e 2019, cofinanciadas co Fondo Europeo Agrícola de Desenvolvemento Rural (DOG nº 193, do 9 de outubro de 2018).

-Resolución do 31 de maio de 2021 (DOG nº 107, do 8 de febreiro de 2021), pola que se amplía a dotación orzamentaria da Resolución do 24 de setembro de 2018 pola que se convocan subvencións para a execución de proxectos ao abeiro da submedida 19.3 (cooperación no ámbito de Leader), da medida Leader do Programa de desenvolvemento rural de Galicia 2014-2020, para as anualidades 2018 e 2019.

- Resolución do 6 de xullo de 2022 pola que se publica o Acordo do Consello de Dirección do 28 de xuño de 2022, polo que se modifica o Acordo do 30 de xullo de 2018 polo que se aproban as bases reguladoras das axudas para a preparación e realización de proxectos de cooperación entre grupos de desenvolvemento rural, ao abeiro da medida Leader (submedida 19.3), cofinanciadas co Fondo Europeo Agrícola de Desenvolvemento Rural no marco do Programa de desenvolvemento rural (PDR) de Galicia 2014-2020 (DOG nº DOG Núm. 134 do 14 de xullo de 2022 ).

Esta resolución non prexudica a terceiros e non é restritiva nin de dereitos individuais nin colectivos, polo que a súa aplicación de xeito retroactivo ás resolucións de concesión de axuda que xa foran emitidas e notificadas aos interesados antes da data da emisión da presente resolución, non presenta inconveniente.

Tendo en conta:

Que á data de hoxe aínda non finalizou o prazo de execución e xustificación de ningún dos proxectos que no citado anexo I se sinalan, a ampliación do prazo de execución se concede a todos os proxectos seleccionados ao abeiro da convocatoria de proxectos de cooperación leader para as anualidades 2018 e 2019, que esta ampliación do prazo non excede da metade do prazo inicial de execución de xustificación e con elas non se prexudican dereitos de terceiros. Polo tanto, cúmprense as condicións do artigo 32 da Lei 39/2015 para a prórroga de que se trata.

En consecuencia,

AXENCIA GALEGA DE  
DESENVOLVEMENTO RURAL  
CONSELLERÍA DO MEDIO RURAL

Lugar da Barcia 56, Lاراño  
15897 Santiago de Compostela  
T. + 34 981 547 354  
infoagader@xunta.gal  
agaderxunta.gal



**PROPOÑO**, en relación ás resolucións de concesión de axuda emitidas durante a anualidade 2021, correspondente aos proxectos sinalados no anexo I desta resolución e que se tramitan no marco da submedida 19.3 (cooperación Leader) do citado PDR:

1. Modificar as datas finais, tanto de pagamento dos investimentos ou gastos subvencionables polos promotores aos seus provedores, como de xustificación de investimentos; de xeito que as citadas datas finais, tanto de pagamento dos investimentos ou gastos subvencionables polos promotores aos seus provedores como de xustificación de investimentos sexan as que se indican para cada expediente no citado anexo (31 de outubro de 2022), no que respecta á anualidade 2022.

A modificación das datas finais indicadas nos parágrafos anteriores suporá á súa vez a modificación das resolucións individuais emitidas, durante a anualidade 2021, no ámbito da submedida 19.3 (cooperación Leader), correspondentes á medida 19 (Leader) do PDR de Galicia 2014-2020 no que respecta ao prazo máximo de execución e xustificación dos gastos correspondentes á anualidade 2022.

2. Notificar esta resolución aos interesados e aos GDR inmediatamente e darlle publicidade no taboleiro e na páxina web de Agader.



**ANEXO I ( prazo a 31 de outubro de 2022)**

<b>nº</b>	<b>Título</b>	<b>Nº expediente</b>	<b>GDR COORDINADOR</b>	<b>MOTIVACIÓN</b>	<b>DATA FINAL PARA A EXECUCIÓN E XUSTIFICACIÓN DOS INVESTIMENTOS (PARA A ANUALIDADE 2022)</b>
<b>6</b>	Museos vivos	L18 1930 06 0001	Asociación de Desenvolvemento Rural Ribeira Sacra-Courel	Atrasos na execución final dos investimentos debido a problemas de liquidez dos GDR	31/10/2022
<b>10</b>	Son de Monte	L18 1930 10 0001	Grupo de Desenvolvemento Rural A Limia Arnoia	Atrasos na execución final dos investimentos debido a problemas de liquidez dos GDR	31/10/2022
<b>14</b>	Eurochef	L18 1930 14 0001	Grupo de Desenvolvemento Rural Baixo Miño	Atrasos na execución final dos investimentos debido a problemas de liquidez dos GDR	31/10/2022
<b>15</b>	Dinamización e promoción IXP Viños de Galicia	L18 1930 15 0001	Grupo de Desenvolvemento Rural Pontevedra- Morrazo	Atrasos na execución final dos investimentos debido a problemas de liquidez dos GDR	31/10/2022
<b>18</b>	Xestión da sostibilidade nos espectáculos ao vivo	L18 1930 18 0001	Asociación de Desenvolvemento Local Deloa	Atrasos na execución final dos investimentos debido a problemas de liquidez dos GDR	31/10/2022



<i>nº</i>	<i>Título</i>	<i>Nº expediente</i>	<i>GDR COORDINADOR</i>	<i>MOTIVACIÓN</i>	<i>DATA FINAL PARA A EXECUCIÓN E XUSTIFICACIÓN DOS INVESTIMENTOS (PARA A ANUALIDADE 2022)</i>
23	Alimentos da biosfera	L18 1930 23 0001	Asociación de Desenvolvemento Rural Mariñas -Betanzos	Atrasos na execución final dos investimentos debido a problemas de liquidez dos GDR	31/10/2022
24	Incorporando ilusións	L18 1930 24 0001	Grupo de Desenvolvemento Rural Seitura 22	Atrasos na execución final dos investimentos debido a problemas de liquidez dos GDR	31/10/2022

Santiago de Compostela,  
O subdirector de Relacións cos GDRs  
(asinado electrónicamente)

Moisés Blanco Paradelo

Tendo en conta o exposto, **RESOLVO aprobar a proposta do subdirector** de Relacións cos GDRs nos seus propios termos

Santiago de Compostela

O Consello de Dirección de Agader  
(P.D: Acordo do 13/12/2019)  
A directora xeral da Agader  
(asinado electronicamente)  
Inés Santé Riveira

AXENCIA GALEGA DE  
DESENVOLVEMENTO RURAL  
CONSELLERÍA DO MEDIO RURAL

Lugar da Barcia 56, Laraño  
15897 Santiago de Compostela  
T. + 34 981 547 354  
infoagader@xunta.gal  
agaderxunta.gal

